



Institutiones Canonicæ

Schnorrenberg, Anno

Coloniae, 1740

§. 7. De iis, quæ fiunt post electionem.

[urn:nbn:de:hbz:466:1-62040](#)

3tio. Specialiter in electione summi Pontificis valet accessus; si enim nullus Cardinalium duas tertias in scrutinio habuerit, per accessum alium in Pontificem nominare possunt. quem prius in scrutinio non nominarunt, dummodò hic unum saltem votum in prævio scrutinio habuerit; in electionibus quoque Abbatissarum, quando aliqua à majori parte Capituli, sed non à duabus partibus electa est, alia Moniales ad eam accedere, & sic post publicatum etiam scrutinium variare possunt. *cap. indemnitatibus. 43. §. sane. de elect. in 6.*

Quæres duodecimo. Si in aliqua electione forma scrutinii, ut facile fieri po-

test, exactè non fuerit observata, an electio ipso jure irrita? *R.* Electionem ipso jure irritam esse, ita ut à Superiore per sententiam rescindi valeat, ac si ab initio irrita fuisset; si tamen non rescindatur, ed quod nemo se opponat, electio firma manet, & electus in conscientia tutus est, cum naturalis obligatio ex eligentium consensu orta subsistat, & postquam per triennium electus & confirmatus non impugnatus, seu in quieta possessione fuit, etiam in foro externo amplius molestari nequit, per Regulam Cancellaria 33. de triennali possessione.

§. Septimus.

De iis, quæ fiunt post Electionem.

Quæres primo. Quid peractâ electio ne faciendum? *R. 1mo.* Formandum est electionis decretum in scripto continens eligentium nomina, assensum & subscriptiones singulorum, Electi nomen & dignitatis titulum, cum scrutinio, votorum publicatione, collatione, electione, & Capituli sigillo. *2do.* Elec^{tio} Electo, ut consensum det, præsentanda. *3tio.* Habito consensu Electi sequitur confirmatio. *4to.* Habitâ confirmatione sumenda consecratio.

Quæres secundo. Qualiter consensus in electionem ab Electo præstandus? *R.* Post canonice factam & publicatam electionem electio Electo quamprimum intimari debet, *cap. quam sit. 6. de election. in 6.* & quidem intra octo dies ab eo tempore, quo commodè potuerunt, com-

R.D.Schnorrenberg Insti. Jur. Can.

putandos. *cap. cupientes. 16. §. eaterum. de election. in 6.* quod si non fiat, non electus, sed Electores triennali suspensione ab omnibus beneficiis suis, quæ in ipsa Ecclesia, de cuius electione agitur, obtinent, puniuntur. *ibid.*

Quæres tertio. Qualiter Religiosus electus electioni consentire potest? *R.* Si Electus sit persona non sui juris, ut Religiosus, qui velle & nolle non habet, absque licentia Superioris sui electioni extra suam Ecclesiam vel Ordinem de se factæ consentire non potest, & si consentiat, consensus præstitus non tenet, & in pœnam præsumptionis electio eadem ipso facto viribus evacuat omniⁿo, quamvis postea Superioris accedat consensus. *Cap. si Religiosus. 27. de election. in 6.* Ideo Electus, vel potius Elec-

H

ctores



Electores ad vitandam ambitionis notam à Superiori quantociùs licentiam petere debent, quod si Electus nec per se nec per alium faciat, jus per electionem qualitum perdit, ita ut Electores ad aliam electionem procedendi liberam habeant facultatem. *Cit. cap. quam sit. 6. de electione. in 6.* Et si ad aliam electionem non procedant, eā vice jure eligendi sunt privati. *Cap. ne pro defectu. 41. de electione.*

Quæres quarto. Intra quod tempus praestandum ab Electo consensus? *R.* Post licentiam à Superiori obtentam, vel si persona libera, post intimatam electionem consensum praestare intra mensē à tempore presentationis hujusmodi tenetur. *Cit. cap. quam sit. Electus, qui sui juris est, consentire non obligatur, quin etiam post consensum datum electioni acceptatæ liberè renuntiare potest, quo casu Electores, quia jam fecerant, quod spectabat ad ipsos, intra juris terminum eligendo, habent tempus integrum, ac si vacatio nova esset, ad electionem aliam celebrandam, dummodo nil fraudulenter egerint in præmissis. Cap. si electio. 26. de electione. in 6.*

Quæres quinto. Quid operatur acceptatio electionis? *R.* Electo per acceptationem jus ad rem perfectè acquiritur. Quia ante acceptationem jus Electo ad Prælaturam competens perfectum non est, sed per acceptationem, quâ spirituale conjugium inter Electum & Ecclesiam initiatur, perficitur & completur, ad imitationem matrimonii carnis, quod per sponsalia de futuro mutuo consensiū inita est initiatum & inchoatum, per mutuum consensum de præ-

senti in facie Ecclesiæ præstitum est ratum, & per copulam carnalem est consummatum: ita spirituale conjugium Prælati cum Ecclesia per acceptationem electionis est initiatum, per confirmationem fit ratum, & per consecrationem consummatum. *cap. fin. de translat. Episc.*

Quæres sexto. Quando Electus confirmandus? *R.* "Electus quivis intra tres menses post consensum electioni de se celebratæ præstitum confirmationem electionis ipsius petere non omittat. "Quod si, justo impedimento cessante, "intra hujusmodi trimestre tempus omis- "serit, electio eadem eo ipso viribus va- "cuetur. " *Cit. cap. quam sit. 6. de elect. in 6.*

Quæres septimo. An Electus non confirmatus Prælaturam administrare possit? *R.* Ante confirmationem administratotam in spiritualibus quam temporalibus sub pena perdendi jus acquisitum est interdicta. *Cap. nosti. 9. cap. qualiter. 17. de electione. cap. avaritie. 5. eod. in 6. Extrav. injunctio. 1. de electione. inter com.* Fit exceptio. Electus in concordia extra Alpes, si ad summum Pontificem spectet confirmationis, ante eam obtentam, sed sine alienatione, administrare potest. *Cap. nibil est. 44. §. Episcopi. de elect.* Dicitur autem in concordia Electus, cuius electioni à majori & seniori Capituli parte facta nemo lese opponit.

Quæres octavo. Quis Electum confirmare debet? *R.* Confirmatio ab immmediato Superiori petenda est. Hodie potestas confirmandi Episcopos summo Pontifici per Regulas Cancellariae & Concordata Germaniae reservata est: ideoque in petitione confirmationis forma

Cap.

possessionem , vel steterit per eum , quò
minùs possessionem habere valeat . Ex

hoc Capite non vacant titularium bene-
ficia Episcoporum .

T I T U L U S Q U I N T U S .

D E

P O S T U L A T I O N E P R A E L A T O R U M .

Postulatio jure civili idem est , quod
advocatio , per quam desiderium
suum unusquisque apud eum , qui
juri praest , exponit , vel alterius desi-
derio contradicit . Jure Canonico postu-
latio est modus providendi Ecclesiae in
subsidiū electionis introductus , quo
is , qui per Canones eligi prohibetur ,
postulationis subſidio & mediante di-
spensatione ad Prælaturam admittitur ,
de postulatione hoc modo sumpta præ-
ſens Titulus procedit .

Quæres primo . Quid & quotuplex po-
ſtulatio ? *q. 1mo.* Postulatio est concors
Capituli petitio Superiori facta , ut per-
ſona canonice impedita aut Superiori
ſubjecta vel dispensativè vel permittivè
ad vacante Ecclesiae dignitatem admit-
tatur . *2do.* Dividitur in *Solemnem* , quâ
pro Prælato petitur perſona canonice
ineligibilis , & *non Solemnem* , quâ
pro Prælato petitur perſona non potens
præſtare conſensum in promotionem
absque prævia Superioris licentia . *Causa*
efficiens est Capitulum postulans , & Su-
perior postulationem admittens . *Objec-*
tum est perſona impedita , ut promo-
veatur , vel in promotionem conſen-
tiat . *Causa formalis* , Canonica ſcruti-
nii vel compromiſſi forma . *Causa finalis*
promotio impediti . *Efectus* . Ante ad-
missionem nullum jus tribuit , poſt ad-
missionem æquivalet juri per electionem
firmatam acquisito .

Quæres ſecundo . Quomodo poſtula-
tio diſſert ab electione ? *q. 1mo.* Poſtu-
latio ſimplex ſive non ſolemnis in hoc
ſolū ab electione diſſert , quod per illam
eligentes ante & poſt electionem cano-
nicam de perſona , qua conſensum in
electionem præſtare nequit , à Superiore
petant , ut ſubditō electioni jam de fe-
facta aſſentiendi det licentiam , vel ante
electionem eligi permittar . Exempla
ſunt in *cap. ſi religiosus* . *27.* & *cap. nullus*.
28. *de electione* in *b. 2do.* Poſtulatio ſo-
lemnis ab electione diſſert in ſequenti-
bus . *1mo.* Electio est de perſona capaci ,
poſtulatio de incapacit , qua ob impedimentum
Canonicum , v. g. ob defecatum
ætatis , Ordinis , natalium , irregula-
ritatis &c. ſine dispensatione eligi non
poſteſt . *cap. innotuit* . *2o.* *de electione* . *2do.*
Poſtulatio gratia innititur , electio juri.
3to. Poſtulatio à Superiore gratiore ad-
mittitur , cum absque injuria poſtulati
rejici potuſſet . *cap. poſtulationem* . *5.* *de*
poſtulat. *cap. bona* , *23.* *de electione* . Electio non

§. Septimus. De iis, quæ fūnt post Electionem.

59

Cap. cupientes. 16. de elect. in 6. exactè est observanda.

Quæres nono. Quænam obligatio confirmantis? *qz. 1mo.* Antequam Superior confirmet, debet imprimis vocare volentes contradicere, aut nominatim, si aliquis coelectus, aut contradicens, vel generaliter per edictum ad valvas Ecclesiæ affigendum, in quo omnes perelevatoriè citantur, qui electioni contradicere nituntur. Hoc omissio nulla est confirmationis. *Cap. fin. de elect. in 6.* Deinde in Electi qualitates, morum honestatem, ætatem, scientiam &c, inquirere deberet. *Trid. Sess. 22. de reformat. cap. 2.* & *Sess. 24. de reform. cap. 1.* Demùn formam & processum electionis per Decretum authenticè ab Electo vel Electoribus exhibitum examinare tenetur. *2do.* Confirmans indignum v. g. insufficientis scientiæ, vel in honestæ vitæ, vel ætatis illegitimæ non solum confirmandi primum Successorem caret potestate, verùm etiam à perceptione proprii beneficii suspenditur. *cap. nihil est. 44. de elect.* Potrò confirmatio plenam administrationem tam in temporalibus, quam in spiritualibus, & omnium illorum, quæ ad jurisdictionem pertinent, tribuit executionem. *cap. transmissam. 15. de elect.* Nec post confirmationem renuntiatio Prælature fieri potest, quam cum consensu, & in manus confirmantis.

Quæres decimo. Quænam obligatio suscipiendi consecrationem? *qz.* Adeptâ confirmatione consecratio petenda est, quæ ultra tres menses à die confirmationis, cessante legitimo impedimento, differri non debet, & jure novo *Trid.*

Sess. 23. cap. 2. “Si Episcopus munus consecrationis intra tres menses non suscepit, ad fructuum perceptorum restitutionem tenetur: si intra totidem menses postea id facere neglexerit, Ecclesiæ ipso jure est privatus.”

Quæres undecimo. Ad quem spectat consecratio? *qz.* Ad illum consecrare vel consecrationem demandare pertinet, ad quem confirmare spectat. Episcopus autem à tribus Episcopis consecrari debet. *Can. Comprovinciales. 4. dist. 6. 4. can. porro. 2. dist. 66. cap. si Archiepiscopus. 6. de tempor. ordinat.* Tùm propter rationem, tùm propter exemplum: Ex ratione, ne tantum beneficium videatur furtivè præstum, & pro eo pariter preces ad Deum effundant: Ab exemplo, quia etiam Jacobus Frater Domini à tribus Apostolis, S. Petro, S. Jacobo & S. Joanne est ordinatus, ut refertur *in cit. can. porro.* Ex dispensatione tamen Ecclesiæ Episcopus ab uno Episcopo consecrari potest: ita ex indulto S. Piî V. pro duobus Episcopis duo Abbates vel alii in dignitate constituti Presbyteri sufficiunt, quod hodie passim in usu esse videtur.

Quæres duodecimo. Quis effectus consecrationis? *qz.* Per consecrationem Episcopus plenitudinem officii pastoralis consequitur, ut omnia, quæ sunt Jurisdictionis & Ordinis, exercere valeat. *cit. cap. transmissam. 15. de electione.* Post consecrationem Episcopi aut termino consecrationis elapo, omnia beneficia Ecclesiastica, si quæ habet, ipso jure vacant, ita ut liberè ab eo, ad quem collatio spectat, conferri possint. *cap. cum in cunctis. 7. de elect.* Si modò non habuerit

H 2

pos-

